

AUGLÝSING

(II) um staðfestingu reglna sveitarfélaga um úthlutun byggðakvóta.

1. gr.

Með vísan til 4. mgr. 4. gr. reglugerðar nr. 960, 6. desember 2004, um úthlutun á þorskígildislestum til stuðnings byggðarlögum, staðfestir ráðuneytið eftirfarandi úthlutunarreglur þessara sveitarfélaga:

1. Sandgerðisbær.

Úthlutun fer samkvæmt samstarfssamningi Sandgerðisbæjar við fiskverkendur og útgerðarmenn frá 20. febrúar 2003, sem kynntur hefur verið ráðuneytinu.

2. Seyðisfjarðarkaupstaður.

1. Útgerðaraðilar með lögheimili og skráða báta á Seyðisfirði þann 1. september 2004 geta sótt um aflaheimildir fyrir fiskveiðiárið 2004-2005.
2. Úthlutuðum afla skal landa á Seyðisfirði til vinnslu á staðnum og skal viðkomandi útgerðaraðili auk þess leggja til viðbótar a.m.k. jafnmikinn afla og hann fær úthlutað til vinnslu á staðnum.
3. Skilyrði fyrir úthlutun er að viðkomandi skip leigi hvorki frá sér né selji aflaheimildir umfram það sem þau kaupa eða leigja til sín á fiskveiðiárinu í þorskígildum talið.
4. Við úthlutun skal verja 1/3 aflaheimilda jafnt milli þeirra aðila sem uppfylla skilyrði hér að framan fyrir úthlutun og 2/3 hlutum skal úthluta í hlutfalli við kvótastöðu þann 1. september 2004.
5. Við úthlutun verður tekið mið af þegar úthlutuðum aflaheimildum á vegum Byggðastofnunar.

3. Siglufjarðarkaupstaður.

Megintilgangur reglnanna skal vera að auka útgerð og vinnslu á fiski á Siglufirði og fjölgastörfum.

1. Veðiheimildum samkvæmt bréfi sjávarútvegsráðuneytisins frá 6. desember 2004 skal úthlutað til einstakra aflamarksskipa og krókaaflamarksbáta, sem leggja upp afla sinn til vinnslu hjá fiskverkunarstöðvum á Siglufirði, samkvæmt nánara samkomulagi. Eingöngu skulu fiskiskip sem skráð eru á Siglufirði 31. desember 2004 koma til greina við úthlutun aflaheimilda. Ekkert fiskiskip skal hljóta meira en 15 þorskígildislestir með þeirri undantekningu er fram kemur í reglu 2.1. Eftirstöðvum vegna 15 tonna ákvæðis skal skipta á milli fiskiskipa á grundvelli greinar 2.2.b.
Ef bolfiskaflamark skips hefur minnkað frá úthlutun fiskveiðiársins 2004/2005 til 31. desember 2004 vegna framsals þá kemur það skip aðeins til greina við skiptingu 10% hlutarins sbr. c-lið 2.2. gr.
Þeir aðilar sem fengu úthlutað byggðakvóta á síðasta fiskveiðiári og hafa ekki fylgt þágildandi reglum varðandi ráðstöfun byggðakvóta skulu ekki koma til greina við úthlutun nú.
2. Byggðakvóta verður skipt þannig milli þeirra fiskiskipa er sækja um og fullnægja skilyrðum:
 - 2.1. 50 þorskígildistonn skulu skiptast milli skipa sem landað hafa úthafsækju til vinnslu á Siglufirði á árinu 2004 í hlutfalli landaðs rækjuafli þeirra þar.

- 2.2. Eftirstöðvum, 155 þorskígildistonnum skal skipt sem hér segir:
- 20% skal skipt jafnt á milli fiskiskipa, þó þannig að ekkert skip auki úthlutaðan kvóta um meira en 100%.
 - 70% skal skipt á grundvelli úthlutunar veiðiheimilda í upphafi fiskveiðiársins 2004/2005.
 - 10% byggðakvóta verður úthlutað í mars 2005. Um þann hluta geta sótt fiskiskip sem ekki fá úthlutað byggðakvóta skv. reglum þessum og uppfylla ekki skilyrði um framsal sbr. 2. málsg. reglu 1.
 - Ef útgerðaraðili hefur ekki lögheimili á Siglufirði þann 31. desember 2004 skal úthlutun til viðkomandi fiskiskips skerðast um 50%. Eftirstöðvum vegna þessa ákvæðis skal skipta jafnt á milli fiskiskipa.
- Öllum aðilum á Siglufirði sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta og skoðast móttækin umsókn sem staðfesting viðkomandi á því að það verði gert. Skilyrði til úthlutunar byggðakvóta er að viðkomandi eigi ekki í vanskilum við Siglufjarðarkaupstað.
 - Þeir aðilar sem úthlutað er byggðakvóta skulu leggja fram gagnkvæman samning við fiskvinnslu um löndun afla og vinnslu á Siglufirði. Öllum afla samkvæmt þessari grein skal landað fyrir lok fiskveiðiárs.
 - Úthlutaður byggðakvóti er ekki framseljanlegur en heimilt er að skipta á milli tegunda. Minnki aflaheimildir fiskiskips sem hlýtur byggðakvóta á yfirstandandi fiskveiðiári vegna framsals skulu þær afsala sér sambærilegu magni af byggðakvótanum, sem úthlutað verður að nýju.
 - Í lok fiskveiðiárs skulu útgerðir og fiskverkanir, sem fengið hafa byggðakvóta skila til sveitarstjórnar skýrslu um landaðan afla til vinnslu í samningsbundnum fiskverkunar-fyrirtækjum eða móttæknum afla frá útgerðum og skal skýrslan staðfest af viðkomandi samningsaðila. Verði skýrslu ekki skilað eða ákvæðum þessara reglna um löndun og vinnslu afla ekki fylgt skulu viðkomandi bátar og fiskverkanir ekki eiga rétt á úthlutun byggðakvóta komi til slíkrar úthlutunar.

4. Tálknafjörður.

- Úthluta skal aflaheimildum 1. júní 2005 til einstakra afla- og krókaafلامarksbáta, sem skráðir voru á Tálknafirði 1. september 2004 og eru þar enn skráðir 1. júní 2005.
- Skipt skal milli einstakra báta miðað við landaðan afla á Tálknafirði á yfirstandandi fiskveiðiári til 1. júní 2005.
- Umsækjandi lýsi því jafnframt yfir að hann muni landa byggðakvótanum og eftirstöðvum eigin aflaheimilda á Tálknafirði til loka yfirstandandi fiskveiðiárs.

5. Vesturbyggð.

- Grundvöllur úthlutunarreglna Vesturbyggðar á byggðakvóta er reglugerð sjávarútvegsráðuneytisins nr. 960/2004 um úthlutun á 3.200 þorskígildislestum til stuðnings byggðarlögum. Gildir reglugerð ráðuneytisins í einu og öllu um atriði sem ekki er tekið á sérstaklega í úthlutunarreglum þessum.
- Úthluta skal til einstakra skipa og báta sem skráðir eru í Vesturbyggð hlutfallslega miðað við þorskígildislestir sem þeir hafa yfir að ráða þegar umsókn er send inn. Gildir þá einu hvort um er að ræða eigin kvóta eða leigukvóta. Utgerðaraðilum báta, sem skráðir eru í sveitarfélaginu, er því gefinn kostur á að auka veiðiheimildir sínar með kaupum eða leigu á kvóta allt til þess tíma að umsóknarfrestur til sveitarfélagsins rennur út og leggja þannig sannanlega eigin umráðakvóta á þeim tímamarki til grundvallar umsókn sinni, enda

- skilyrði úthlutunarreglna uppfyllt að öðru leyti. Ekkert fiskiskip skal þó hljóta meira en 20 þorskígildislestir miðað við óslægðan fisk. Víkja má frá þessari takmörkun á hlut hvers báts fáist heildarhlut einhvers byggðarlags ekki skipt með öðrum hætti.
3. Af þeim 218 þorskígildislestum sem ráðuneytið úthlutaði Vesturbyggð skal við það miðað, verði því við komið, að 138 þorskígildislestum verði úthlutað á báta sem skráðir eru á Bíldudal, 75 þorskígildislestum á báta sem skráðir eru á Patreksfirði og 5 þorskígildislestum á báta sem skráðir eru á Brjánslæk. Takist ekki að uppfylla skilyrði úthlutunarreglna í einstöku byggðarlagi, og fullnaðarúthlutun samkvæmt ofanskráðu næst því ekki, skal þorskígildislestum sem eftir standa úthlutað á báta í öðrum byggðarlögum innan sveitarfélagsins að því gefnu að þar verði uppfyllt skilyrði úthlutunarreglnanna að öðru leyti.
 4. Bátum sem úthlutað er byggðakvóta er skylt að leggja til af eigin umráðaafla að lágmarki kvóta til jafns við úthlutaðan byggðakvóta og skoðast móttekin umsókn sem staðfesting viðkomandi á því að það verði gert. Umsækjendum er heimilt að bjóða fram aukið hlutfall eigin umráðaafla og fá þeir þá aukna hlutdeild í úthlutuðum byggðakvóta í sama hlutfalli.
 5. Afla sem fenginn er á grundvelli aflaheimilda samkvæmt 3. og 4. gr. er skylt að landa til vinnslu í viðurkenndri vinnslustöð í Vesturbyggð sem er með gilt rekstrarleyfi. Skal umsókn um byggðakvóta fylgja staðfesting fiskverkunar á því að afli verði unninn þar. Öllum afla samkvæmt þessari grein skal landað fyrir lok fiskveiðiárs.
 6. Úthlutaður byggðakvóti er ekki framseljanlegur. Framselji útgerðir eftir úthlutun byggðakvótans aðrar aflaheimildir sem þær hafa yfir að ráða skulu þær afsala sér samsvarandi magni af úthlutuðum byggðakvóta, sem úthlutað verður þá að nýju.
 7. Í lok fiskveiðiárs skulu útgerðir sem úthlutað hefur verið byggðakvóta skila til sveitarstjórnar skýrslu um landaðan afla til vinnslu í því fiskverkunarfyrtæki, sem þeir tilnefndu sem samstarfsaðila og skal skýrslan staðfest af viðkomandi vinnsluaðila með áritun. Verði skýrslu ekki skilað eða ákvæðum þessara reglna um löndun afla ekki fylgt skulu viðkomandi bátar ekki eiga rétt á úthlutun byggðakvóta komi til slíkrar úthlutunar að nýju.

2. gr.

Leiðréttingar á auglýsingu nr. 59, 24. janúar 2005.

Raufarhafnarhreppur.

Byggðakvótanum verður skipt að 70% hluta jafnt milli þeirra báta sem sótt verður um fyrir og að 30% hluta miðað við stærð sömu báta í brúttótonnum, að uppfylltum eftirfarandi skilyrðum:

1. Fyrir hvert kíló af þorski sem bátur fær í byggðakvóta skal leggja fram tvö kíló af þorski á móti af eigin aflaheimildum. Þeim afla skal landa til vinnslu á Raufarhöfn. Skal undirrituð staðfesting fiskvinnslu um samstarf fylgja umsókninni. Öðrum tegundum en þorski er útgerðinni frjálst að ráðstafa. Þó skal landa a.m.k. 75% af aflaheimildum í þorski viðkomandi báts í gegnum hafnarvog á Raufarhöfn.
2. Útgerð báts sem fær úthlutað byggðakvóta má hvorki leigja eða selja af eigin aflamarksheimildum (miðað við upphaf kvótaárs) í þorski á fiskveiðiarinu 2004/2005. Bátur skal fyrst landa eigin aflamarksheimildum í þorski áður en byggðakvóti er færður á viðkomandi bát. Þó skal tekið tillit til leyfilegs magns sem skv. lögum má geyma milli ára.
3. Aðeins einn bátur frá sömu útgerð getur fengið byggðakvóta og skal báturinn hafa verið gerður út frá Raufarhöfn undanfarið ár og ekki verði breyting þar á. Þá skal og áhöfn báts

vera með lögheimili á Raufarhöfn. Sé sótt um undanþágu frá skilyrði um lögheimili skal hún vel rökstudd í umsókn.

4. Fyrir 1. júlí 2005 skulu útgerðir þeirra báta sem fengið hafa byggðakvóta gera sveitarstjórn skriflega grein fyrir því hvernig þeir muni nýta úthlutaðar aflaheimildir fyrir lok fiskveiðiárs. Geti hlutaðeigandi ekki fylgt reglum sveitarstjórnar skal hann afsala sér byggðakvótanum, sem síðan verður endurúthlutað.
5. Umsóknarfrestur um byggðakvóta er til 27. janúar 2005 og verður öllum umsóknum svarað fyrir 7. febrúar 2005. Verði á næsta ári úthlutað byggðakvóta með svipuðum hætti og í ár mun sveitarstjórn hafa reynslu þessa árs til hliðsjónar.

Jafnframt er felldur úr gildi 13. tl. í auglýsingu nr. 59, 24. janúar 2005.

3. gr.

Auglýsing þessi er gefin út með stoð í 4. mgr. 4. gr. reglugerðar nr. 960, 6. desember 2004, um úthlutun á þorskígildislestum til stuðnings byggðarlögum, til þess að öðlast þegar gildi.

Sjávarútvegsráðuneytinu, 2. febrúar 2005.

F. h. r.

Vilhjálmur Egilsson.

Jón B. Jónasson.